

Дунё ва охиратнинг ягона ҳокими

Image not found or type unknown



19:00 / 30.11.2021 2671

Аллоҳ таоло мусулмонларга хитоб қилиб, уларни бўлинмасликка, ихтилофга тушмасликка, ўзларидан аввалги ўтган аҳли китобларга ўхшамасликка чақиради. Бу ҳақда Ўз каломида шундай марҳамат қилади:

تَنْبِيْهِ لِمُءَاْجِ اَمِّ دَعَبٍ نَّمْ اَوْفَلَ تَخَاوْ اَوْقَرَفَاتٍ نِّيْذْلَاكٍ اَوْنُوْكَتِ اَلْوَمِيْطِعُ بَادَعُ مَهْلَ كَلِيْلُوْا

Ўзларига очиқ-ойдин ҳужжатлар келганидан кейин бўлиниб, ихтилофга тушганларга ўхшаш бўлманглар. Ана ўшаларга улкан азоб бордир (*Оли Имрон сураси, 105-оят*)

Яъни, «Эй мусулмонлар! Сиз ҳам ўзларига очиқ-ойдин оятлар келганидан кейин бўлиниб, ихтилофга тушган яҳудий ва насороларга ўхшаб бўлиниб, ихтилофга тушманг. Ана ўшаларга ихтилофлари туфайли қиёмат куни улуғ

азоб бордир».

ذَعَبٌ مُّتَرْفِكًا ۖ لَهُمْ هُوحٌ وَتَدْوَسَانِي دَالًا ۖ أَمْ أَفْهُوحٌ وَدُوسَاتٌ وَهُوحٌ وَضَيْبَاتٌ مَّوِي
نَ وَرُفُكَّتْ مُمْتِنُنْكَ أَمْ بَبَادَعْلًا ۖ أَوْ قُودَفٌ مُمَكِّنَامِي ۖ

Юзлар оқ ва юзлар қора бўладиган кунда. Аммо юзлари қора бўлганларга: «Иймон келтирганингиздан кейин кофир бўлдингизми?! Куфр келтирганингиз учун азобни тотиб кўринг», – (дейилур). (Оли Имрон сураси, 106-оят)

Ушбу ояти карима қиёмат кунини ажойиб тарзда васф қилмоқда. Қисқа ва лўнда. Ортиқча бўёқ ҳам, беҳуда сўз ҳам йўқ. Қиёматга кимлардир оқ – ёруғ юз билан, кимлардир қора юз билан келадилар. Қора юз билан келганлар ўшанда итоб нидосини эшитадилар. Уларга:

«Иймон келтирганингиздан кейин кофир бўлдингизми?! Куфр келтирганингиз учун азобни тотиб кўринг», (дейилур)».

Бу эса азоб устига азоб, юзларидаги қоралик устига баттар қоралиқдир.

وَأُولَٰئِكَ هُمُ ٱلَّذِينَ ٱلَّوٓءَا۟ا۟ ۖ يَفۡفَهُو۟هُۥ وَهُۥ وَضَيۡبَاتٌ مَّوِي ۖ

Юзлари оқ бўлганлар эса – улар Аллоҳнинг раҳматидадирлар. Улар унда мангу қолувчидирлар. (Оли Имрон сураси, 107-оят)

Ёруғ юз билан келганлар, албатта, бу дунёда қилган яхши амаллари, иймонлари туфайли беҳисоб ажру мукофотларга сазовор бўладилар. Энг муҳими, улар Аллоҳ таолонинг раҳматида абадий қоладилар.

Кейинги оятда Набий алайҳиссаломга хитоб қилиниб, у зотга Аллоҳнинг оятлари ўқиладигани баён этилади:

نِيۡمَ ٱلۡعِلۡلِ ۖ أَمْ لَطۡ دِيۡرِيۡ ۖ ٱللَّ ۖ أَمْ وَوَقۡ ٱلۡبَ ٱلۡكَيۡلِ ۖ ٱللَّ ۖ تَا۟ ٱلۡكُلۡتِ

Булар Аллоҳнинг оятлари бўлиб, уларни сенга ҳақ ила тиловат қилмоқдамиз. Аллоҳ оламларга зулмни ирода қилмас. (Оли Имрон сураси, 108-оят)

Яъни, «Бу оятлар, шубҳасиз, Аллоҳнинг оятларидир. Бошқа нарса эмас. Эй Муҳаммад, уларни сенга ҳақ ва адолат ила тиловат қилмоқдамиз. Аллоҳ одамларга зулмни хоҳламайди. У Зот беайб одамни жазоламайди. Гуноҳкорнинг азобини ошириб юбормайди. Яхшилик қилган банданинг савобини камайтириб ҳам қўймайди.

رُؤْمُ أَلْأَعْرُتِ ۖ لِلَّهِ كَلِمَاتٌ ذُرَّاتٍ يُفِيءُ بِهَا مَا شَاءَ اللَّهُ ۗ وَاللَّهُ عَزِيزٌ ذُو جَلَالٍ ۖ

Осмонлардаги нарсалар ҳам, ердаги нарсалар ҳам Аллоҳникидир. Ва барча ишлар Аллоҳгагина қайтарилур. *(Оли Имрон сураси, 109-оят)*

Модомики, осмонлару ердаги жамики нарсалар Аллоҳники экан, уларни қандай хоҳласа, шундай тасарруф қилади. Бунинг устига, барча ишлар Аллоҳнинг Ўзига қайтарилади. Демак, бу дунё ва охиратнинг ягона ҳокими Аллоҳнинг Ўзидир.

«Тафсири Ҳилол» китоби асосида тайёрланди